



ՈՒ-7088

ՀՅՈՒՍԻՍԱՅԻՆ ԱՄԵՐԻԿԱՅԻ ՀԱՅՈՑ ԱՐԵՎՄՏՅԱՆ ԹԵՄԻ ԱՌԱՋԵՆՈՐԴԻ ԸՆՏՐՈՒԹՅՈՒՆԸ

1966 թվականի մայիսի 7-ին Սան Ֆրանցիսկոյում, Ս. Հովհաննես հայոց եկեղեցում գումարվել է Հյուսիսային Ամերիկայի Հայոց Արևմտյան թեմի պատգամավորական ժողովը, մասնակցությամբ 53 հոգևորական և աշխարհական պատգամավորների և մեծ թվով ունկնդիրների:

Նիստի սկզբին ներկաները հոտընկալս և ակնածալիր հարգանքով ունկնդրեցին Ամենայն Հայոց Հայրապետի ողջույնի գիրը ուղարկված պատգամավորական ժողովի բացման առթիվ:

Ժողովի օրակարգի գլխավոր հարցը Թեմակալ առաջնորդի ընտրությունն էր:

Թեմական խորհրդի ներկայացրած եռանուն ցանկի վրա, որպես թեկնածու, կային հետևյալ անունները.

- Տ. Նղիշե եպիսկոպոս Սիմոնյան
- Տ. Հմայակ ծ. վարդապետ Ինթոյան
- Տ. Վաչե վարդապետ Հովսեփյան:

Պատգամավորական ժողովը գաղտնի քվեարկությամբ Արևմտյան թեմի առաջնորդ ընտրեց, 47 քվեներով, գերաշնորհ Տ. Նղիշե եպիսկոպոս Սիմոնյանին:

Պատգամավորական ժողովի դիվանի կողմից ընտրության արդյունքը պաշտոնապես հաղորդվում է Մայր Աթոռ:

Ամենայն Հայոց Վեհափառ Հայրապետը Իր ? հունիս սրբատառ կոնդակով հաստատում է ընտրությունը:

